

ISIS ASEAN perlu bincang isu Rohingya

KUALA LUMPUR 1 Jun - Perdana Menteri meminta Institut Kajian Strategik dan Antarabangsa ASEAN (ISIS ASEAN) yang bersidang selama dua hari di negara ini bermula esok membincangkan isu pelarian etnik Rohingya yang membelenggu rantau ini sejak beberapa tahun lalu.

Datuk Seri Najib Tun Razak berkata, perbincangan secara menyeluruh itu penting untuk mencari jalan penyelesaian dan memastikan setiap negara terlibat memainkan peranan masing-masing menyelesaikan masalah yang timbul.

Tegas beliau, cabaran lain yang perlu turut diutamakan adalah mewujudkan kestabilan di rantau ini serta mempromosi hubungan antara negara yang positif, mudah diramal dan aman damai.

"Kebanyakan cabaran ini perlu diutarakan di peringkat rantau ini, contohnya saya sangat bimbang dengan nasib imigran Rohingya yang cuba masuk ke pantai kami, saya terkejut dengan penemuan kubur yang didakwa mangsa pemerdagangan orang di

sempadan Malaysia - Thailand.

"Isu imigran perlu diselesaikan di peringkat ASEAN dengan bantuan negara lain serta penglibatan badan antarabangsa, yang hanya boleh dicapai jika kita bekerja dalam satu koordinasi untuk menyelesaikan kesengsaraan setiap mangsa," katanya ketika berucap pada Majlis Makan Malam Persidangan Meja Bulat Asia Pasifik Ke-29 anjuran ISIS ASEAN di sini malam ini.

Sultan Perak, Sultan Nazrin Muizzuddin Shah yang juga Panel Diraja ISIS Malaysia turut berkenan hadir ke majlis makan malam itu.

Yang turut hadir, Menteri Pelancongan dan Kebudayaan, Datuk Seri Mohamed Nazri Abdul Aziz dan Pengurus ISIS ASEAN, Yong Chanthalangsy.

Mengulas lanjut berhubung keselamatan di rantau ini, Perdana Menteri berkata, perkembangan teknologi perlu diambil perhatian berikutan tindakan ekstremis yang menyebarkan propaganda dan merekrut anggota militan melalui medium tersebut.



SULTAN Perak, Sultan Nazrin Muizzuddin Shah diiringi Najib Tun Razak berkenan menghadiri Majlis Makan Malam Persidangan Meja Bulat Asia Pasifik Ke-29 di Kuala Lumpur, malam tadi.

Isu Rohingya, kestabilan jadi cabaran Asia Pasifik

Kuala Lumpur: Dua cabaran utama dihadapi negara Asia Pasifik sekarang adalah masalah pelarian Rohingya dan mengekalkan kestabilan di rantau ini.

Sehubungan itu, Perdana Menteri, Datuk Seri Najib Razak, berharap Persidangan Meja Bulat, Institut Kajian Strategik dan Antarabangsa (ISIS) Asia Pasifik yang berlangsung di ibu

negara selama tiga hari mulai semalam dapat mengenal pasti kaedah terbaik menyelesaikan dua isu berkenaan.

Isu sering dibangkit

“Kebanyakan isu berkenaan memang sering dibangkitkan selama ini. Misalnya, saya sendiri baru-baru ini membangkitkan mengenai isu pelarian Rohingya yang sedang cuba

memasuki sempadan perairan negara kita.

“Malah, saya sendiri terkejut apabila dimaklumkan mengenai penemuan tanah perburuan pelarian Rohingya yang menjadi mangsa sindiket penyeludupan manusia di kawasan sempadan Perlis-Thailand.

“Kita juga perlu segera mengenal pasti mereka yang ber-

tanggungjawab. Isu Rohingya ini perlu diselesaikan di peringkat ASEAN dengan kerjasama negara lain dan badan antarabangsa.

“Hanya dengan kerjasama semua negara barulah kita dapat menyelesaikan masalah penyeludupan manusia ini,” katanya ketika berucap melancarkan persidangan itu malam tadi.

Majlis turut diserikan dengan keberangkatan Sultan Perak, Sultan Nazrin Muizzuddin Shah. Yang turut hadir, Pengerusi ISIS ASEAN, Yong Chanthalangsry dan Pengerusi merangkap Ketua Eksekutif ISIS Malaysia, Tan Sri Rastam Mohd Isa.